

ՄԵՆԿ

Տարեկան դիմում 10 բուր, կես տարեկան 6 բուր
Առանձին համարները 5 կոպեկով:

Թիֆլիսում գրվում են միմյանց Խմբագրատան մէջ:

Օտարադարձացիք դիմում են ուղղակի
Тифлис. Редакция „Менк“.

Խմբագրատունը բաց է առաւօտեան 10—2 ժամ
(Բացի կիրակի և տոն օրերից):

Յայտարարութիւն ընդունվում է ամեն լիզուով:

Յայտարարութիւնների համար վճարվում են
խրաքանջիւր բառին 2 կոպեկ:

ԲՈՎԱՆՊԱԿՈՒԹՅՈՒՆ

Փախուստի ճանապարհ: — Ներքին տեսուչ-
ութիւն: Նամակ Թէլուրից: Նամակ Ալեքսանդրա-
պոլից: Ներքին լուրեր: Արտաքին տեսուչ-
ութիւն: Եւրոպայի լուրեր: Նամակ Թիֆլիսից: Նամակ Պարսկաստանից: Յայտարարութիւններ:

ՓԱՆՈՒՍԻ ՃԱՆԱՊԱՐՀԸ

Հեռագիրը մեզ լուր բերեց,
թէ Բ. Գուռը իր պատասխա-
նի մէջ, որ հաղորդած է Կ.
Պօլսի հերոսական զենպանե-
րին, խոստացաւ համոզել ալբան-
ցիներին զինանել Գուլիսիոն
Չերնոօրիային, և պարտաւոր-
վում է վճռել յունաց հարցը ե-
րեք ամսվայ մէջ, իսկ հայոց
հարցը չորս ամսվայ մէջ:

Այդ դարձեալ նոյն միջին,
երկրի մի և նենգաւոր պատաս-
խաններից մէկն է, որով Բ.
Գուռը սովորութիւն ունի միշտ
խոսք տալ Լարսայի պահան-
ջումների ուղղակի կատարելուց,
փախուստի ճանապարհ գտնել
և նոր դժուարութիւններ, նոր
արգելքներ ստրբելու համար
ժամանակ վատտակել:

Բ. Գուռը պարտաւորվում է
հայոց խնդիրը չորս ամսվայ մէջ
վճռել, բայց ի՞նչ կերպով, ի՞նչ
րեֆորմներ պիտի մտցնէ Հա-
յաստանում, այդ մասին լը-
ռում է:

Ի նկատի ունելով Թիւրքաց
Հայաստանում կատարվող այժ-
մեան անցքերը, շատ հեշտ է
նախագուշակել, թէ Բ. Գուռը
այս չորս ամսվայ ընթացքում
ինչ կերպով կը վճռէ հայկական
խնդիրը:

Նա կուղարկէ Հայաստան,
ինչպէս առաջ, կամիներներ,
կուղարկէ Հօբարդ փաշայի նը-
ման բարեկարգիչներ, ցոյց կը
տայ, թէ աշխատում է վերա-
նորոգութիւններ մտցնել, — բայց
մի և նոյն ժամանակ քրդերին,
թիւրքերին և ամբողջ մահմե-
տական ամբողջ գողանի կեր-
պով կը գրգռէ հայերի դէմ, և
փոխանակ բարեկարգութիւննե-
րի, արին, կտորած, աւեր-
մունք կը տարածէ Հայաստա-

նում: Չորս ամիսը բաւական
ժամանակ է այդ բոլորը կատա-
րելու համար:

Եւ երբ Հայաստանը կը ծը-
խի արեան և կրակի մէջ, նա
կը պատասխանէ Լարսային.
իմ ժողովուրդը դեռ պատրաստ
չէ. ես ամեն միջոցներ գործ
դրեցի. Հայաստանում վերանո-
րոգութիւններ մտցնել առ այժմ
անհնարին է, որովհետեւ մահմե-
տական ամբողջ կրօնական զգաց-
մունքը, թիւրքերի ազդեցին հը-
պարտութիւնը վերաւորվում է
հայերին առանձնաշնորհումներ
տալու պատճառով:

Խոստանալ և չը կատարել—
այդ թիւրքի պարզ մի սովոր-
ութիւնն է: Իսկ բարեք խոս-
տանալ և չարք գործադրել—այդ
պահանջում է նրա այժմեան ա-
մենախարգախ քաղաքականու-
թիւնը:

Հասկանալի է, որ Բ. Գու-
ռը ամեն տեսակ հնարներ գործ
պիտի դնէ, որ Բերլինի դաշնա-
գրի 61-րդ յօդուածը գործա-
դրութիւն չը գտնէ Հայաստա-
նում: Նա շատ լաւ հասկանում
է, թէ այդ յօդուածը ինչ ապա-
գայ է պատրաստում հայերի հա-
մար:

Հայաստան բառը խիստ ա-
նախորժ տպաւորութիւն է գոր-
ծում Թիւրքիայի ջրերի վրա: Բ.
Գուռը բացարձակ կերպով յայ-
անեց հայոց պատրիարքին, թէ
իր պետութեան մէջ Հայաստան
անունով երկիր չէ ծանաչում:
Նա յայտնեց և Կ. Պօլսի հերո-
սական զենպաններին, թէ Հա-
յաստանում բացառապէս վե-
րանորոգութիւններ մտցնելու դի-
տաւորութիւն չունի, այլ պիտի
մտցնէ ընդհանուր վերանորո-
գութիւններ ամբողջ Փոքր Ա-
սիայի մէջ: Ի՞նչ են նշանակում
այդ խօսքերը: Շատ պարզ է,
որ Բ. Գուռը չէ ցանկանում
Հայաստանը դարձնել մի արտա-
նական երկիր, որպէս զի այդ
երկիրը, իբրեւ մի որոշ մարմին
չառանձնանայ և չանջատվի իր
պետութիւնից: Բաղանեան թե-

րակղզու իշխանութիւնների կազ-
մվելու պոտնութիւնը, ի հարկէ,
թիւրքիան շուտով մոռանալ չը
կարող:

Չը նայելով, որ հայերի նպա-
տակը խիստ համեստ է, չը նա-
յելով, որ հայերը ցանկանում են
ունենալ մի բարեք կառավարու-
թիւն միայն և ազատվել մահ-
մետականների մինչև այսօր գործ
դրած դարեւոր բարբարոսութիւն-
ներից, այսու ամենայնիւ, Բ.
Գուռը չէ կամենում կատարել
նրանց իրաւացի պահանջումնե-
րը, որ ամեն մի փոքր ի շատ
բարեկարգ պետութեան քաղա-
քացին իրաւունք ունի վայելելու:

Այդ բաւական չէ, այժմ Թիւր-
քիան աշխատում է հայկական
խնդիրը խեղտելու նպատակով
ոչնչացնել հայ տարրը: Աշխա-
տում է լինել Հայաստանը քրդե-
րով, չէրեքներով, բազերով, ա-
ջարացներով և այդ բոլոր վայ-
րենի ցեղերի բարբարոսութիւնը
գրգռել հայերի դէմ: Ստաց
նոր նուաճած երկրներից գաղ-
թով բազմաթիւ մահմետական-
ներին նա զետեղեց Հայաստանի
մէջ: Իսկ Լարսական թիւր-
քիայից դուրս եկող գաղթական-
ների խումբը նոյնպէս ուղար-
կում է դէպի Հայաստան:

Նպատակը յայտնի է և չորս
ամիսը բաւական ձիգ ժամանակ
է նրան իրագործելու համար...

Նշանները արդէն երևում են
Ալասպուրականի մէջ, որ Հա-
յաստանի սիրան է, նկատվում
է քրդերի կատաղի յուզմունք,
այրվում են գիւղեր, սպան-
վում են մարդիկ և ապա-
տակութիւնը օրըստօրէ աւելի
ընդարձակվում է, աւելի սպառ-
նական ձև է ստանում: Տարօնի
նահանգում նոյնպէս արին է
հասում: Սովոկ-Բուլանի գա-
ւառում Շէյխ-Իրազուլաճը, իր
զինին հաւաքած աւելի քան
տասն հազար աւաղակներ, վը-
ղանդ է ապառնում Վարպատու-
կանի հայերին: Հէրարի կող-
մերում Նահաբ-բէկը, իր ցեղի
զրկին անցած, աւերմունքներ է

գործում: Հին-Վայազեղի կող-
մերում Հէյդարանի քրդերը
կողոպտում են հայերին: Վան
տեղ նկատվում են մի և նոյն
չարագործութիւնները, որոնց կե-
ղեի տակ թագնված է թուրք
կառավարութեան պաշտօնատար-
ների նենգաւոր ձեռքը: Իսկ Կ.
Պօլսի մահմետական մամուլը այդ
բոլոր բարբարոսութիւնները բա-
ցատրում է քրդական միու-
թեան անունով...

Ինչպէս պիտի վարվեն թիւր-
քիայի հայերը վերոյիշեալ բոլոր
չարագործութիւնների դէմ:

Թիւրքիայի հայերը մինչև այ-
սօր իրանց բոլոր յոյսը դրել
էին զիւրանագիտական բանակցու-
թիւնների վրա, ամեն ինչ սպա-
տում էին Լարսայից և իրանց
փրկութիւնը միայն Բերլինի
դաշնագրի 61-րդ յօդուածի մէջ
էին որոնում: Բայց Անգլիայի
պետական մարդիկներից մէկը,
միստր Բրայս, այս օրերում
խիստ ճիշտ կերպով նկատեց Կ.
Պօլսի հայերին. «աշխատեցէք չը
ձանձրացնել Լարսային»...

Մենք կաւարձանք հայասեր
անդլիացու խօսքերին, ոչ թէ
Լարսան, այլ Աստուած ինքը
չի օգնի թիւրքիայի հայերին,
եթէ նրանք ինքները իրանց օգ-
նելու մէջ ծոյլ կը լինեն...

Թիւրքիան խոստանում է վըճ-
ռել հայոց հարցը չորս ամսվայ
մէջ: Պոյց վճիռը նրանով կը
վերջանայ, որ չորս ամսից յե-
տոյ էլ Հայաստանում հայ չի
մնայ...

8. Մ.

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԹԵՂԱՆՈՑ

Սեպտեմբերի 22

Վրաստանի 162 № մէջ Թէլուրի մի թղթակցու-
թիւն երևաց Մ. ստորագրութեամբ, որից ես այն
կարգապահութեամբ հասայ, որ պ. Թղթակիցը բոլոր
թղթի անձամբ է տեղադրւում զպրոցների, հոգա-
բարձների և ուսուցիչների գործունէութեան հետ:
Հոգաբարձների մասին գրում է թէ՛ «անընդու-
նակ և անհոգ են», բայց մի և նոյն ժամանակ
մտաւել է և այն, որ այդ հոգաբարձներն են
անբոխիւր-մտական. յիշատար տեղ և իշխան
մեր զպրոցների և դրանց ժողովուրդը չէ ընտրել: